


歷代書畫錄輯刊

本社影印室輯

北京圖書館出版社

業行



歷代書畫錄輯刊

本社影印室輯

北京圖書館出版社

第一一五冊

(清)方濬頤輯 清光緒三年(1877)定遠方氏刻本

夢園書畫錄 卷十四—卷二十五

夢園書畫錄卷十四

松坡圖書館藏

桐城許奉恩叔平

參訂

定遠方濬頤子箴輯訂

姪壻陽湖湯世厚敦之

姪男臻朗杜洲編校

明周叔宗書金剛經冊

高麗紙本今尺高七寸一分濶六寸八分計四十

七開每開鳥欄界直行書金經全部字體遒勁書

法深入鍾王復由唐諸家而變化出之者王陳諸

跋已詳末頁有何煖叟太史記通卷鈐藤花吟館

娛老怡志樂飢之品休陽汪季青審定墨寶蒞林
審定詒堂心賞穀水過眼陳印希濂恭辰之印梁
氏敬叔伍福字詒堂家藏書畫之印敬叔平生真
賞敬叔珍賞項芷房鑒賞印汪印文栢柯庭二字
伍氏詒堂鑒賞敬叔珍藏沈松之印詒堂過眼柯
亭家傳秘品等印卷首列白描佛像高麗紙高七
寸九分濶二尺一寸丁南羽畫滿幅祇樹婆娑世
尊中座旁列侍者十二人皆合掌立一頭陀膜拜
坐下氣象莊嚴令人起敬欵署甲寅九月之吉爲

彥威寫此金剛不若經首於三吳道上在在處處
咸有諸神擁護丁雲鵬下鈐南羽連章尾鈐伍氏
珍藏長印

明萬厯庚戌五月之晦交盧居士周叔宗書

沈啟母周氏余女姪也四德咸備相夫子起家育男
一女三男卽名啟生僅二十日卽棄世念罔極靡報
永思不忘嘗感夢母命以乞名筆書金剛經出苦因
屬余書此一卷以資冥力祈轉男身解說大乘第一
義諦九纏十結頓時冰銷時萬厯庚戌六月七日茲

辰適是永逝之期并記於淨慈關房

周叔宗



周叔宗初名祖以字行金陵貢生書法數變而益上然不輕爲人下筆此冊乃徇知之作後有王百穀陳眉公董香光婁子柔趙寒山諸跋益增光價矣

道光戊戌得於桂林重裝並記

梁章鉅



周本音書品在虞薛間率更誠懸而下無論此金剛經爲沈彥威書薦度叻母筆端熒熒有舍利五

色毫光下燭真途。亾者當超苦海。往生人天書經功德亦不可思議矣。

廣長菴主王穉登題

穉登

沈彥威爲母請本音居士寫金剛以資冥福。筆墨古淡有陸柬之蘭亭詩風骨。是經所在女塔廟等不獨吉祥雲覆其上也。

陳繼儒題

眉公

繼儒

此金綱經又爲大報恩經。蓋是沈彥威有弘誓願爲母夫人薦資冥福耳。彥威日書華嚴經異日裝演與此經並藏丙舍。是兩座多寶佈塔。余亦手書。

法華經七卷爲先亡生天小果彥威以爲同味屬
埵名於後

甲寅九月廿一日

華亭董其昌書



如來不可以色見音聲求也自正法沒而有像不
言言而有經故莊嚴佛土者往往託之於寫經畫
像況以人子之孝誠欲資其親以人天之福者乎
世尊之昇忉利爲摩耶說法不過如是而已夫六
度門雖禪定亦脩福也究竟於般若智蓋六如之
假皆空而如如之真不動矣若彥威之生其心者

雖未住而不住可也廿二日

補

未古樓婁堅題



彥威先生少而失怙恃長而求報恩世間旣不可
得賴有此世法可以超九地而昇九天可以促萬
欲而如一日因倩諸公手書金經二品日夕持誦
一字一句如甘露滴滴授母夫人齒頰間也於時
何恩不報何德不酬可以盡罔極之心矣

寒山趙宦光
敬跋



周叔宗書金綱經三十二分是用米法而叅以褚

中令與坡公實出二途較之思翁法華經亦遜一
籌也余亦有寫經之願畢竟以唐人為宗如靈飛
兜沙轉輪王妙法蓮華諸經乃得真諦耳句吳錢

泳題 時年八十有四 梅叟

道光二十二年四月阮元觀 時年七十有九 南堂 阮伯元觀

道光三十年庚戌七月 萬峯庵行者

墨果獲觀 真

明居士貞松壑高閒小幅

紙本今尺高四尺二寸五分濶八寸八分層巒飛
泉三折下注深壑石道盤紆山下夾岸古松七株
二客對坐左橫石橋一客行橋上遙望林間筆意
高潔直與宋元爭勝右角鈐葉印夢龍鶴舟二字
王氏鑒賞之章茹壑芝清西昌逸士等五印

松壑高閒

萬曆乙酉七夕居節製



亂松深徑翠迢迢丹井猶存紫氣消一簇霞衣迎

鶴馭飛泉濺屋玉晨朝

王穉登



秋色平分松檜清焚香隱几蹋黃庭巖雲不動仙人掌霄漢高懸處土星

逢年爲

仰雲父題



明金赤松詩帖卷

花箋紙本今尺高七寸餘長九尺計七十四行卷
後烏程高君一跋甚詳茲不復贅後鈐秉鐸采彤
連章又南屏審定秘玩共三印

燈下詠雪草草漫興未足爲工耳一笑

萬里癡雲一色濃飛花辭出廣寒宮剪裁漫說馮夷
巧賦詠真輸道蘊工樹盡着花忘歲暮山皆種玉詔
年豐老夫不愛銷金帳芋栗杯盤也未窮

十一月四夜山農在玉芝窗下書

元

赤松山農

賦雪韻

雪天殊覺酒腸寬
要與西風敵晚寒
金鼎陽和調乍
叶玉龍鱗甲戰初殘
逋仙賸有探梅興
謝女寧無得
句歡
滕六分明奪天巧
剪成六出把人看

又自述

掃淨閒愁心境寬
更忘熱惱更忘寒
一年堯歷看仍
盡十翼羲經玩未殘
螯甕釀成無限味
研田耕熟有
餘歡
可憐
夢鴛多遭困
伯樂何時拭目看

友弟金琮頓首

金氏
元五

梁先生鄉丈 臘月十一日燈下草草

奉和深冬有感錄呈

梁先生吟丈一笑

玄冥司令亦何寬九十冬能幾日寒歲月不禁催我
老雪霜多是速年殘草車糲糲窮須送菜豆椒觴酌
更歡且喜梅花得春早倚闌冷笑與人看

又借韻寫懷

毳布新裁短褐寬茅檐冬去不知寒除五鬼今方
盡臨逼三陰漸欲殘老子祇應憂道否兒童偏是得

年歡吁枯幸有陽和力一任人將冷眼看

友弟琮稿復

金氏
元玉

言懷一首錄寄

可之鄉兄一笑而賡之幸幸

寒宵漏永坐虛庭百感中來不自甯病減更增新製
藥年侵還理舊傳經心將用世嗟無術鬢爲憂時覺
有星且喜床頭龍劍在摩挲霜氣逼青冥

臘月二十六日風雨之窗殊覺孤悶草率寫呈琮頓

首書記

赤松山農
金元玉甫

山口
太玄